





# RI ALMA ALC'UALAXEL Y RI AMULEK

TANAJ 16




Ri Dios xucha' ri Alma alc'ualaxel richin noc ri yukenel richin ri K'ataj.

Mosia 29:42




Ri Alma alc'ualaxel xerajo' ri vinaki'. Rija' xrajo' chi ri vinaki' niquben ri utz.

Alma 4:1-4




Ri Alma alc'ualaxel xbison tok xutz'et chi ch'aka' chic vinaki' xquiben ri itzel.

Alma 4:5-15




Ri Alma alc'ualaxel xbe pa tak tinamit chiquitijoxic ri vinaki'. Xubij chique chi tiquta-kej ri rupixa' ri Dios.

Alma 4:19




C'o tinamit acuchi ri vinaki' xquinimaj ri Alma alc'ualaxel. Xtzolin pe quic'u'x y xquichop rutakexic ri rupixa' ri Dios.

Alma 5-7; 8:1-5



Ri vinaki' ri e c'o chupan ri tinamit rubini'an Ammonija man xcac'axaj ta ri Alma.

Alma 8:6-12



Rije' xquiben ri man utz ta chire. Xquiben chi xel el chupan ri quitinamit.

Alma 8:13




Jun ángel xpe riq'uin ri Alma alc'ualaxel. Xubij chi ri rubanalon, yalan nikaka chuvech ri Dios. Ri Dios xurayij chi rija' nitzolin chic pan Ammonija.

Alma 8:14-17




Ri Alma alc'ualaxel xunimaj rutzij ri ángel y xtzolin pan Ammonija.

Alma 8:18




Ri Alma janíla xnum. Xuc'utuj juba' ruvay riq'uin jun achin rubini'an Amulek.

Alma 8:19




Ri Amulek, ja rija' jun choj achin. Jun ángel rubin can chire chi tuto' c'a ri Alma alc'ualaxel.

Alma 8:20




Ri Amulek xuc'uj ri Alma alc'ualaxel chira-  
choch y xuya' juba' ruvay.

Alma 8:20-27




Ri Dios xubij chire ri Alma alc'ualaxel chi  
tibe riq'uin ri Amulek y quech'o quiq'uin ri  
vinaki' jun bey chic.

Alma 8:29




Ri Uxlaxel xeruto' ri Alma alc'ualaxel y ri  
Amulek richin xech'o quiq'uin ri vinaki'.

Alma 8:30-32




Ri Amulek xubij chique ri vinaki' chi rije' e  
itzel tak vinaki'. Nic'atzin c'a chi nitzolin pe  
quic'u'x.

Alma 10:17-32




Jun chique ri vinaki' ri' rubini'an Zezrom.  
Rija' janila retzelal.

Alma 10:31; 11:21




Ri Zezrom xutij ruk'ij richin xusuk' ta ri  
Amulek. Xurayij chi ri Amulek xerubij ta ri  
achique man kitzij ta.

Alma 11:21-22, 26-38




Pero ri Dios xuturusaj ri Amulek. Ri Zezrom man xtiquir ta xusuk' runa'oj.

Alma 11:36-46




Ri Alma alc'ualaxel xch'o chique ri vinaki'. Xubij chique chi ri ruch'abel ri Amulek e kitzij.

Alma 12:1-7




Ri Zezrom retaman chi man utz ta ri xuben. Xutz'et chi ri Dios xeruto' ri Alma alc'ualaxel y ri Amulek. Xuc'utuj chique chi tiqiti-joj.

Alma 12:7-8




Ch'aka' vinaki' xquinimaj ri xquibij ri Alma alc'ualaxel y ri Amulek. Xquirayij xequitakej ri rupixa' ri Dios.

Alma 14:15




Man riq'uin vi ri', janila chi vinaki' xe'oyover riq'uin ri Alma alc'ualaxel y riq'uin ri Amulek.

Alma 14:2-3



Rije' xequixim ri Alma alc'ualaxel y ri Amulek y xequiya' pa che'.


Alma 14:4




Ri achi'a' ri xequinimaj ri Alma alc'ualaxel y ri Amulek xquirayij xequito'. C'ari', ri itzel tak vinaki' xecokotaj el ri chojilej tak vinaki' chupan ri tinamit. Alma 14:6-7




Ri itzel tak vinaki' xequiya' ri chojilej tak ixoki' y ac'uala' pa k'ak'. Xquiben chi ri Alma alc'ualaxel y ri Amulek xqitz'et ronojel re'. Alma 14:8-9




Ri Alma alc'ualaxel y ri Amulek janila xebison coma ri vinaki' ri xec'at pa k'ak'. Alma 14:10



Ri Alma alc'ualaxel xubij chi ri Dios xqueruturusaj na ri vinaki' ri xecom pa k'ak'. Alma 14:11



Ri Alma alc'ualaxel y ri Amulek xeya'ox chic pa che'. Manjun vey y manjun ya' xya'ox chique. Ri itzel tak vinaki' xequich'e-yala'. Alma 14:14-22




Ri Alma alc'ualaxel y ri Amulek xech'o ri-q'uin ri Dios. Ri Dios xeruto' richin xquirok'ochij ri colo'. Alma 14:23-26




Ri ruvach'ulef xsilon y xetzak ri xan richin ri jay. Ri itzel tak vinaki' ri e c'o pa che' xecom.

Alma 14:27




Ri Alma alc'ualaxel y ri Amulek xe'el el chupan ri che'. Manjun xquic'ulvachij rije'. Ri vinaki' chupan ri tinamit Ammonija xquixibij qui' chiquivech rije'. Alma 14:28-29



Ri Alma alc'ualaxel y ri Amulek xe'el el chupan ri Ammonija y xebe pa jun chic tinamit rubini'an Sidom. E q'uiy vinaki' xquinimaj ri xquibij. Alma 15



Ri Zezrom chiri' Sidom c'o vi. Rija' xbison roma ri itzel xerubanala' can. Rija' yalan yava'. Ri Alma alc'ualaxel y ri Amulek xquiturusaj. Alma 15:3-10



Ri Zezrom xc'achoj. Ri Alma xukasaj chuxe' ya'. C'ari', ri Zezrom xbe chuch'abalixic ri utzilej rutzijol chique ri vinaki'.

Alma 15:11-12



Ri Alma alc'ualaxel y ri Amulek xequikasaj q'uiy vinaki' chuxe' ya'. Rije' xequicha' vinaki' richin xe'oc yukenela' y tijonela' chupan ri K'ataj. Alma 15:13-14